



一起去冒險劇場


故事主題

陽陽是一頭活潑小花貓，受小主人雪雪一家疼愛。當一家人搬遷到另一個城市，面對陌生環境，連活潑好動的小貓咪也畏縮起來，但天生的好奇心，終於驅使陽陽走出來，牠開始四周探索，結果發現了新的天地。

當人面對陌生的境況時，或會感到退縮害怕，就像孩子第一天上學那樣。然而經歷過後，卻會讓人累積不凡的經驗與智慧。



活動建議



- 可以讓學生個別或分組扮演一個角色，互相對答。
- 學生按組別一起扮演個別的角色，可以使全班同學都能一起參與，即使較被動的孩子也能參與其中。最後再按組別挑選一個學生出來代表，一起表演整套場景。
- 活動前可做熱身活動，例如引導孩子模仿貓的叫聲及動作，先激活孩子發聲及肢體活動，以便放鬆投入。
- 小朋友面對陌生情況，或會有畏縮害怕的情緒，戲劇活動內著重喚起孩子開心的感覺，希望孩子能保持好奇心及正面的情緒，克服面對新境況時的不安。
- 在活動總結時，可以向學生發問，激發思考主題內容。

角色表



陽陽

活潑的小花貓，愛跑愛跳，充滿好奇



雪雪

陽陽的小主人，疼愛陽陽，常常與陽陽一起玩，是有愛心又乖巧的孩子



爸爸

有才幹又和靚，疼愛兒女與陽陽



媽媽

溫柔慈愛，細心照料兒女及陽陽



弟弟

在爬行階段的幼兒，依依呀呀學講話



浣熊

在城市與森林之間走動，尋找好玩的東西，八卦



松鼠

周圍覓食，最喜歡吃松果，頑皮貪玩



場景一 開心到飛起



場景一 開心到飛起



情緒：興奮

旁白： 有一隻小花貓叫陽陽，牠成身都係黃色既毛，圓碌碌，好可愛架。佢同小主人雪雪一家人，包括雪雪既爸爸、媽媽同細佬，一齊住係城市一座大廈既小單位入面，一家人都好錫陽陽。



陽陽：我要玩呀！同我玩呀！
(很開心地在屋內跳上跳落)



雪雪：陽陽！嚟捉個波仔呀！捉到話你叻！
(舉高一支吊著波仔的棍搖來搖去)



陽陽：我嚟啦！
(好興奮地從沙發跳起)



爸爸：細佬，你睇，陽陽似唔似隻「飛天貓」呀？睇佢飛得幾高！
(抱著弟弟坐在沙發上)



弟弟：呀...呀...
(興奮地手舞足動，指著陽陽)



媽媽：玩咗咁耐，肚唔肚餓呀？黎食咗蛋糕先再玩啦。
(笑笑口)



雪雪：好嘢！媽媽整既蛋糕係最好味架，我要食呀！
(放低支棍就撲向媽媽那裡，陽陽乘機捉著那波仔，用腳抓著玩)



場景二 起程冒險



場景二 起程冒險



情緒：好奇心 + 興奮

旁白： 陽陽同雪雪一家搬到新城市居住，佢對新地方好好奇咁喎，當雪雪唔係屋企既時候，佢就會自己到外面玩架啦。有一日，佢喺屋企個花園見到一隻松鼠囉。



陽陽： 唉，雪雪返咗學，冇人同我玩添。
(悶悶地)

旁白： 一隻松鼠突然係花園走過，手抱住一隻松果。



陽陽： 嘅，松鼠，走咁快，去邊呀？
(立刻提起精神)



松鼠A： 唔得閒同你講呀。

旁白： 陽陽既好奇心又黎啦，跟住松鼠就走咗出去，仲追到去到條街度，見到有另一隻松鼠想爭個隻松果添。



松鼠A： 喂，個松果係我搵到先架喎，你做乜嘢搶呀！



松鼠B： 松果係樹上跌落咗度，邊個都執得，一定係你架？！



浣熊： 唔駛爭啦，森林有個Party，有好多動物一齊玩，又有好多嘢食，我帶你哋去呀。
(爬在電燈柱上，好意勸告)



松鼠A及B： 好呀！帶我哋去吓。
(一起說)




陽陽： 森林開Party？我咁大個都未見過喎，等我都跟埋去睇下先。
(興奮地想去見識一下)

旁白： 陽陽跟住浣熊同松鼠，結果就愈行愈遠，玩到唔記得咗返屋企添，你估佢跟住會遇到D咩呢？



啟發問題



1. 你曾否去過一些之前未去過的地方，感到很難忘？那是什麼地方？
2. 第一次去到的感覺是什麼？開心？害怕？為什麼？
3. 那裏有什麼事物（如動物、景像或人等）令你特別想起來的？

溫馨提示：鼓勵小朋友去嘗試新的事物，透過新的體驗，累積知識。但最後亦要提醒小朋友，他們年紀仍小，探索新事物時，需要詢問父母或老師的意見，確保安全。

